



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «23» oktabr

08-203-son

Тошкент давлат юридик университетини олий таълим муассасаларининг миллий рейтингидаги ўрнини юксалтириш чора-тадбирлари тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармони ва Тошкент давлат юридик университети Кенгашининг 2020 йил 21 майдаги навбатдан ташқари мажлис баёни билан тасдиқланган Тошкент давлат юридик университетини 2030 йилгача халқаро тан олинган ташкилотлар рейтингларидаги энг яхши олий таълим муассасалари рўйхатига киритиш, шунингдек унинг миллий рейтингдаги ўрнини юксалтириш бўйича комплекс чора-тадбирлар режасида белгиланган вазифалар ижросини таъминлаш, ўқув-методик ишлар, ўқитиш сифатини, илмий, инновацион фаолият йўналишларини ҳамда ижтимоий-маънавий муҳитини ривожлантириш бўйича фаолиятини такомиллаштириш, миллий ва халқаро рейтингдаги Тошкент давлат юридик университети (кейинги ўринларда – Университет) ўрнини юксалтириш мақсадида

Б У Ю Р А М А Н:

1. Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан эълон қилинган 2019 йил учун олий таълим муассасалари (кейинги ўринларда – ОТМ)нинг 2020 йил 1 январь ҳолатига Миллий рейтинги натижалари маълумот ва ижро учун қабул қилинсин.

2. Университет ўтган даврдаги рейтингдаги 21-ўриндан кескин пастлаб, 26-ўринни эгаллагани учун университетнинг ОТМларнинг миллий рейтинги йўналишидаги фаолияти қониқарсиз деб топилсин.

3. Университет ОТМ Миллий рейтингида юқори поғоналарга кўтарилиш ўрнига кескин пастлаб кетишига ва белгиланган вазифалар ижросини таъминлашга йўл қўйилган қуйидаги камчиликлар сабаб бўлганлиги қайд этиб ўтилсин:

– **кўп йиллардан бери** Университетда фаолият юритиб келаётган профессор-ўқитувчилар илмий фаолият билан шуғулланишлари учун барча шароитлар яратилганлигига қарамасдан бугунги кунга қадар илмий иш ҳимояси бўйича фаол иш ташкил этилмаганлиги;

– Университет профессор-ўқитувчилар яратган илмий мақолаларнинг «Scopus» ва «Web of Science» каби халқаро базалардаги улуши ҳамда халқаро индекслар маълумотлари асосида илмий нашрларга иқтибослар сони қониқарсиз аҳволда эканлиги;

– ўқув-методик ишлар доирасида дарсликлар ва ўқув қўлланмалар тайёрлаш, ўқув жараёнига хорижий профессорларни жалб этиш ҳамда дарслар сифатини ошириш ва чет тилида ўқитиладиган мутахассислик фанлари улушини кўпайтиришга етарлича эътибор қаратилмаганлиги;

– миллий ва халқаро танловларда талабалар иштирокини таъминлашга, инновацион фаолият ва инвестициялар жалб этиш, илмий натижаларни тижоратлаштириш борасидаги ишлар етарли даражада ташкил этилмаганлиги, илмий-инновацион, ўқув-услугий йўналишлар ҳамда ижтимоий-маънавий муҳитни ривожлантириш бўйича амалга оширилаётган ишларни такомиллаштирилмаганлиги.

4. Проректорлар, факультет деканлари, кафедра мудирлари, таълим сифатини назорат қилиш бўлими ва бошқа тегишли таркибий бўлинма раҳбарлари тегишли тартибда келгусида иш фаолиятида юқоридаги салбий ҳолатларга йўл қўйилмаслиги, ушбу йўналишда ишларни жадаллаштириш лозимлиги ҳақида қатъий огоҳлантирилсин.

5. ОТМ Миллий рейтинги ва халқаро рейтинглардаги профессор-ўқитувчиларнинг илмий фаолияти билан боғлиқ мезонлар бўйича проректор Н.Салаев, ўқув-методик ишлар ва ўқитиш сифати, талабалар билими ва битирувчилар сифати билан боғлиқ мезонлар бўйича проректор И.Рустамбеков, ижтимоий-маънавий муҳит, олимпиадалар, танловлар ва жисмоний тарбия ва спортни ривожлантириш йўналиши билан боғлиқ мезонлар бўйича проректор А.Хашимхонов, барча мезонларда халқаро ҳамкорлик билан боғлиқ масалаларга проректор Д.Умаров шахсан масъул этиб белгилансин.

6. Ўқув-методик ишлар ва ўқитиш сифати, илмий ва инновацион фаолият йўналишлари ҳамда ижтимоий-маънавий муҳитини ривожлантиришнинг мақсадли кўрсаткичлари иловага мувофиқ тасдиқлансин.

7. Мазкур мақсадли кўрсаткичларга эришиш бўйича проректорлар, факультет деканлари ҳамда таълим сифатини назорат қилиш бўлими бошлиғи шахсан жавобгар этиб белгилансин.

8. Проректорлар (И.Рустамбеков, Н.Салаев, А.Хашимхонов):

илмий ва инновацион фаолият йўналишларини, ўқув-методик ишлар ва ўқитиш сифатини ҳамда ижтимоий-маънавий муҳитни ривожлантиришнинг мақсадли кўрсаткичларида (кейинги ўринларда – мақсадли кўрсаткичлар) белгиланган вазифаларни ўз вақтида ва сифатли таъминлаш бўйича зарур ташкилий чора-тадбирларни амалга оширсин;

талабаларнинг мутахассислик фанларини билиш даражаси, таълим муассасасидаги ижтимоий-маънавий муҳит, битирувчилар ҳақида иш берувчилар баҳоси, профессор-ўқитувчилар яратган илмий мақолаларнинг «Scopus» ҳамда «Web of Science» каби халқаро базалардаги улуши, халқаро индекслар маълумотлари асосида илмий нашрларга иқтибослар сони, олий таълим муассасаси илмий-тадқиқот фаолиятининг натижадорлиги ва ўқув-методик ишлар ва ўқитиш сифатини, илмий ва инновацион фаолият йўналишларини ҳамда ижтимоий-маънавий муҳитини ривожлантиришнинг мақсадли кўрсаткичлари ижроси бўйича факультет деканлари ва кафедра мудирлари иштирокида **ҳар хафта якуни** бўйича муҳокама ташкил этсин.

9. Кафедралар илмий салоҳият даражасини кўтаришга, дарс машғулотлари сифатини назорат қилишга, ўқув-методик ва маънавий-маърифий ишларни ташкил этишга, жумладан миллий рейтинг тизими мақсадли кўрсаткичлари бажарилиши юзасидан **шахсан ҳар бир факультет декани ўз факультети доирасида масъул эканлиги алоҳида белгилаб ўтилсин.**

10. Факультет деканлари (Ш.Сайдуллаев, У.Тухташева, Б.Ходжаев, Д.Умарханова):

2020 йил 7 июль куни университет ректори томонидан факультетлар кесимида илмий ва инновацион фаолият йўналишларини ривожлантиришнинг мақсадли кўрсаткичлари тасдиқланганлиги ҳамда илмий салоҳиятни кўтариш ишларига жиддий эътибор қаратсин;

Тошкент давлат юридик университетини 2030 йилгача халқаро тан олинган ташкилотлар рейтингларидаги энг яхши олий таълим муассасалари

рўйхатига киритиш, шунингдек, унинг Миллий рейтингдаги ўрнини юксалтириш бўйича комплекс чора-тадбирлар режасида белгиланган вазифалар ижроси ўз вақтида амалга ошириш бўйича зарур ташкилий чора-тадбирларни жадал давом эттирсин;

университетни миллий рейтингдаги ўрнини юксалтириш ҳамда халқаро рейтингларга киритиш йўналиши бўйича ишларни жадаллаштириш бўйича вазифаларни ўз вақтида ва сифатли бажарилишида сансоларликка йўл қўйган кафедра мудирлари ва профессор-ўқитувчиларни жиддий огоҳлантириш чораларини кўрсин, вазифаларга совуққонлик билан ёндошаётган ходимларга нисбатан тегишли чора кўриш бўйича асослантирилган таклиф билан раҳбариятга ахборот киритиб борсин.

11. Университетда фаолият юритаётган фан номзоди (PhD-фалсафа доктори) илмий даражасига эга бўлган профессор-ўқитувчилар учун жорий йил якунига қадар **1 та** яккамуаллифликда, ҳар йили **2 та**, доцент илмий унвонига эга бўлган профессор-ўқитувчилари учун жорий йил якунига қадар **1 та** яккамуаллифликда, ҳар йили **3 та**, фан доктори (DSc-фан доктори) илмий даражасига эга бўлган профессор-ўқитувчилари учун жорий йил якунига қадар **2 та** яккамуаллифликда, ҳар йили **3 та**, профессор илмий унвонига эга бўлган профессор-ўқитувчилари учун жорий йил якунига қадар **2 та** яккамуаллифликда, ҳар йили **4 та** Scopus ва WoS (Web of Science) илмий-техник маълумотлар базасига киритилган илмий журналларда мақолалар эълон қилиш вазифаси юклатилсин.

12. Кадрлар бўлими (А.Матмуродов) университетни миллий ва халқаро рейтингдаги ўрнини юксалтириш бўйича меҳнат шарномасида назарда тутилган талаблар, шунингдек ушбу бўйруқ билан университетда фаолият юритаётган профессор-ўқитувчилар таништирилсин ва тегишли тартибда огоҳлантирсин.

13. Таълим сифатини назорат қилиш бўлими (Ш.Якубов) ОТМ миллий рейтингда университет кўрсаткичларини ошириш ва барча натижаларни тўғри ва ўз вақтида расмийлаштириш ҳамда Таълим сифатини назорат қилиш давлат инспекциясига етказиш бўйича шахсан масъул эканлиги тўғрисида огоҳлантирилсин.

14. Университетни миллий рейтингдаги ўрнини юксалтириш бўйича белгиланган вазифалар ўз вақтида амалга оширилмасдан 2020 йил натижалари бўйича ОТМ Миллий рейтингда 15-поғонадан паст ўрин эгалланган тақдирда устамалар белгилаш бўйича университет Комиссиясига устама ҳақларини бир йил муддатда камайитириш ҳисобидан Ўқув ишлари

бўйича проректор ва бўйсунувидаги таркибий бўлинмалари учун **50 фоиз**, Илмий ишлар ва инновациялар бўйича проректор ва таркибий бўлинмалари учун **40 фоиз**, Ёшлар билан ишлаш бўйича проректор ва таркибий бўлинмалари **10 фоиз**, факультет деканлари ва кафедра мудирлари учун **60 фоиз**, Таълим сифатини назорат қилиш бўлими учун **60 фоиз**гача ойлик иш ҳақи миқдорини камайтириш тавсия этилиши ва белгиланган вазифаларни ўз вақтида сифатли бажариш ишларида сансалорликка йўл қўйган таркибий бўлинмалар раҳбарлари, факультет деканлари, кафедра мудирлари, шу жумладан профессор-ўқитувчилар меҳнат шартномасини бекор қилишгача бўлган интизомий таъсир чорасини қўлланилиши ҳақида огоҳлантирилсин.

15. Мониторинг ва ички назорат бўлими (Д.Маҳкамов) мақсадли кўрсаткичларида белгиланган вазифалар ижросини пухта таҳлил қилиб, бажарилган ишлар ҳақида ҳар 15 кунда университет ректорига ахборот киритиб борсин.

16. Мазкур буйруқ ижросининг назорати проректорлар Н.Салаев, И.Рустамбеков ва А.Хашимхонов зиммасига юклансин.

Ректор



Р. Ҳакимов

Лойиҳа киритди:

Илмий бошқарма бошлиғи

И.Эргашев

Келишилди:

Проректор

Н.Салаев

Проректор

И.Рустамбеков

Проректор

А.Хашимҳонов

Проректор

Д.Умаров

Катта юрисконсульт

Э.Хосилов

**Ўқув-методик ишлар ва ўқитиш сифати, илмий ва инновацион фаолият йўналишлари ҳамда ижтимоий-маънавий муҳитини
ривожлантиришнинг мақсадли кўрсаткичлари**

Т/р	Рейтинг кўрсаткичи номи	Жорий кўрсаткич (01.01.2020 йилдан бошлаб)	2021 йил 1 январга қадар эришилиши керак бўлган кўрсаткич	Масъул ижрочилар
I. Профессор-ўқитувчиларнинг илмий фаолияти				
1.1.	Дунёнинг нуфузли 1000 талигига кирувчи олий таълим муассасаларида фан номзоди, фалсафа доктори (PhD) ва фан доктори, фан доктори (DSc) илмий даражасини олган профессор-ўқитувчилар улуши	15	40	Проректорлар, Факультет деканлари, кафедра мудирлари, О.Якубов, А.Матмуротов
1.2.	Рейтингни аниқлаш йилида дунёнинг нуфузли 1000 талигига кирувчи олий таълим муассасаларида ўқув машғулоти (маърузалар, амалий машғулоти, семинар-тренинглар) ўтказган профессор-ўқитувчилар улуши	5	61	Проректорлар, Факультет деканлари, кафедра мудирлари, О.Якубов
1.3.	Профессор-ўқитувчиларнинг илмий салоҳияти (асосий штатдагилар бўйича фоизда), шу жумладан	38,5 фоиз	50 фоиз	Проректорлар, Факультет деканлари, кафедра мудирлари, И.Эргашев, Д.Хабибуллаев, Д.Камалова, Ш.Сайдуллаев
	<i>а) фан доктори, фан доктори (DSc) илмий даражасига эга (шунингдек, илмий даражага эга бўлмай профессор илмий унвонини олган ёки унга тенглаштирилган) профессор-ўқитувчилар улуши</i>	29	33	
	<i>б) фан номзоди, фалсафа доктори (PhD) илмий даражасига эга (шунингдек, илмий даражага эга бўлмай доцент илмий унвонини олган ёки унга тенглаштирилган) профессор-ўқитувчилар улуши</i>	65	89	

1.4.	Профессор-ўқитувчилар томонидан ҳимоя қилинган докторлик (PhD ва DSc) диссертациялари сони		19	32	Проректорлар, Факультет деканлари, кафедра мудирлари, И.Эргашев, Д.Хабибуллаев, Д.Камалова, Ш.Сайдуллаев
1.5.	Халқаро кўрсаткичларга кўра университет профессор-ўқитувчилари нашрларига иқтибослар («Web of Science», «Scopus» ва «Google Scholar» базалари бўйича)		15	216	Проректорлар, Факультет деканлари, кафедра мудирлари, И.Эргашев, М.Ибрагимова
1.6.	Рейтингни аниқлаш йилида халқаро илмий журналларда ва маҳаллий илмий нашрларда («Web of Science», «Scopus» базасида чоп этилган мақолалар Хирш индекси 3 ва ундан юқори бўлган профессор-ўқитувчилар улуши	Халқаро журналлардаги илмий мақолалар	35	203	Проректорлар, Факультет деканлари, кафедра мудирлари, И.Эргашев, М.Ибрагимова
		Хирш индекси 3 ва ундан юқори бўлган профессор-ўқитувчилар	5	61	Проректорлар, Факультет деканлари, кафедра мудирлари, И.Эргашев, М.Ибрагимова, Ш.Якубов
1.7.	Олий таълим муассасасида илмий-тадқиқот фаолияти ва илмий-тадқиқот натижаларини амалиётга тақдим этиш асосида олинган маблағлар ҳажми ёки бошқа номоддий кўрсаткичлар (ижтимоий самарадорлик), шу жумладан	Хорижий илмий-тадқиқот марказлари грантлари ва хорижий илмий фондлар буюртмалари ҳисобига олинган маблағлар	1 800 000 000,00 UZS	2 000 000 000,00 UZS	Проректорлар, Факультет деканлари, кафедра мудирлари, С.Латипов
		Соҳалар буюртмалари асосида ўтказилган илмий-тадқиқот (илмий-иждодий) фаолиятидан олинган молиявий маблағлар	89 443 886,00 UZS	4 589 900 000,00 UZS	

		Давлат грантлари асосида ўтказилган илмий тадқиқотлардан олинган маблағлар	1 349941000,00 UZS	3 575 100 000,00 UZS	
1.8.	Рейтинги аниқланаётган йилда бажарилган илмий-тадқиқот ишларининг самарадорлиги, шу жумладан:	Чоп этилган монографиялар	19	61	Проректорлар, Факультет деканлари, кафедра мудирлари, Б.Умаров
		Ихтиро, фойдали модель, саноат намуналари ва селекция ютуқлари учун олинган патентлар (тегишли ташкилотлар томонидан тасдиқланган ҳужжатлар асосида)	0	4	Проректорлар, Факультет деканлари, кафедра мудирлари, А.Каримов
		Ахборот-коммуникация технологияларига оид дастурлар ва электрон маълумотлар базалари учун олинган гувоҳномалар, муаллифлик ҳуқуқи билан ҳимоя қилинадиган турли материаллар	15	122	Проректорлар, Факультет деканлари, кафедра мудирлари, И.Эргашев, А.Каримов
II. Ўқув-методик ишлар ва ўқитиш сифати					
2.1.	Ҳисобот йилида олий таълим муассасаси профессор-ўқитувчилари томонидан ёзиб тайёрланган ва белгиланган тартибда рўйхатдан ўтказилган дарсликлар ва ўқув қўлланмалари	Дарсликлар	7	21	Проректорлар, Факультет деканлари, кафедра мудирлари, А.Тожибоев, Қ.Меҳмонов
		Ўқув қўлланмалар	11	24	
2.2.	Рейтинг аниқланаётган йилда хорижий профессор-ўқитувчилар ва талабалар	Хорижий профессор-ўқитувчилар	6	16	Проректорлар, Факультет деканлари,

	улуши (тегишли равишда умумий сонга нисбатан фоизда), шу жумладан:				кафедра мудирлари, О.Якубов, А.Матмуротов
		Хорижий талабалар	36	136	Проректорлар, Факультет деканлари, О.Якубов, А.Бабаджанов
2.3.	Ҳисобот йилида хорижий олий таълим муассасалари билан алмашув дастурлари, конференциялар, илмий ёки ўқув лойиҳаларида ўқитувчилар ва талабаларнинг иштирок этганлиги, шу жумладан:	Академик алмашув дастурларда иштирок этувчи талабалар	9	13	Проректорлар, Факультет деканлари, А.Бабаджанов, О.Якубов
		Халқаро конференция ва семинарларда, илмий ёки таълим лойиҳаларида (хорижий, қўшма) иштирок этган талабалар	4	20	Проректорлар, Факультет деканлари, А.Бабаджанов, кафедра мудирлари, О.Якубов
		Халқаро конференция ва семинарларда, илмий ёки таълим лойиҳаларида (хорижий, қўшма) иштирок этган профессор-ўқитувчилар	30	61	Проректорлар, Факультет деканлари, кафедра мудирлари, О.Якубов
2.4.	Таълим йўналишлари (мутахассисликлари) бўйича хорижий тилда ўқитиладиган фанлар салмоғи		8	30	Проректорлар, Факультет деканлари, кафедра мудирлари, А.Тошпулатов
III. Талабалар билими ва битирувчилар сифати ҳамда жисмоний тарбия ва спортни ривожлантириш бўйича фаолияти					
3.1.	Давлат гранти асосида ўқиган битирувчиларнинг ишга жойлашиш даражаси (битирганидан сўнг 6 ой ичида)		27 (61%)	44 (100%)	Проректорлар, Факультет деканлари, К.Ҳакимов
3.2.	Рейтинг йилида халқаро ва республика олимпиадаларида,	Халқаро миқёсда	2	4	Проректорлар, Факультет деканлари,

	нуфузли танловларда совринли ўринларни қўлга киритган ҳамда мукофот (диплом)ларга сазовор бўлган талабалар салмоғи	Республика миқёсида	3	8	кафедра мудирлари, Ш.Пўлотов, А.Бабаджанов
3.3.	Спорт секцияларига аъзо, спорт билан мунтазам шуғулланувчи ҳамда спорт таснифига (разрядига) эга бўлган талабалар сони		29	58	Проректорлар, Факультет деканлари, А.Бабаджанов, Д.Докучаев

Изоҳ: Масъул ижрочилар таркибидаги шахслар бошқа ишга ўтганда ушбу лавозимларга янгидан тайинланган шахслар ёхуд тегишли функцияларни бажариш зиммасига юкланган шахслар унинг таркибига киритилади.